

61787/p

P/MEN

MENZIES

DISPUTATIO MEDICA

INAUGURALIS,

DE

DYSENTERIA.

Digitized by the Internet Archive
in 2018 with funding from
Wellcome Library

DISPUTATIO MEDICA
INAUGURALIS,

DE

DYSENTERIA.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

ALEXANDER MENZIES,

SCOTUS,

Societ. Reg. Med. Edin. Soc.

Necnon

Societ. Amer. Phys. Edin. Praef.

Ad diem 24. Junii, hora locoque solitis.

EDINBURGI:

Apud BALFOUR et SMELLIE,

Academiae Typographos.

M,DCC,XCIII.

348579

DIAMOND

DEPT. OF AGRICULTURE

UNITED STATES

WASHINGTON

1910

NO. 1

1910

Viro

Nobili

J O A N N I M E N Z I E

D E M E N Z I E S ;

EQUITI BARONETTO,

Hasce studiorum primitias

Quantulascunque,

Grati animi,

Observantiaeque summae

Testimonium,

Sacras

Voluit

A U C T O R,

CONFIDENTIAL

[Faint bleed-through from the reverse side of the page]

77

THE

1. The first part of the report is a general statement of the purpose of the study. This is followed by a brief review of the literature on the subject. The next section is a description of the methods used in the study. This is followed by a presentation of the results of the study. The final section is a discussion of the results and their implications.

[Faint handwritten notes at the bottom of the page]

...

DISPUTATIO MEDICA

INAUGURALIS,

DE

DYSENTERIA.

Auct. ALEX. MENZIES.

SI nobiscum meditemur, quam saepe haec affectio, in castris aliisque locis, in quibus mortales coetu frequenti cohibentur, vigere solet; quam rapide diffunditur, parumque abesse quin aequae venenosa, et mortifera, ac ipsa pestis, sit; vix alius datur morbus, qui majorem medici solertiam et assiduitatem sibi vindicat. Sic a Cel. Cullenio definitur:

“ Pyrexia contagiosa, dejectiones frequentes
“ mucosae, vel sanguinolentae, retentis plerum-
“ que faecibus alvinis, tormina, tenesmus.”

HISTORIA MORBI.

Exeunte aestate, vel ineunte autumnno, post pluvias ingentes, quibus tempestas praeter solitum calida, ac sicca, cum frigidiorē alternans, supervenit, dysenteria plerumque invadit; nonnunquam vero se maturius ostendit; sed in illa tempestate torrida, ad statum suum pervenit, et sex hebdomadas aut menses duas perstare solet: Tunc paululum remittit, donec, hieme appropinquante, vastatio ejus exitialis prope reprimatur. Nonnunquam quidem diutius perstans ad mensem Decembris, vel Januarii usque durat. Hanc inter ac febres intermittentes, et remittentes, aliquis nexus intercedere videtur, eadem loca, eademque

demque res circumstantes, in quibus occurrunt, adeo dysenteriae excitandae favent, ut, ubicunque illae grassantur, haec saepe ibidem vigeat, et pyrexia, quae comitatur, haud parum remittentium indolem induat. In regionibus frigidioribus, in quibus calor non adeo intensus est, et ubi hic, et frigus, haud tam subito, et insigniter, se invicem excipiunt, dysenteria est morbus rarior.

Prima tentationis dysenteriae signa sunt varia; modo paulatim obrepit, modo subito cum omnibus, quibus insignitur, indiciis, irruit. Pyrexia plerumque hunc morbum ab initio usque comitatur, et, re ita se habente, aeger a motu abhorret; languoris sensu, capitis dolore, et animo demisso, afficitur; haec signa, post unum alterumve diem, rigores, dorsi, atque lumborum dolores, nausea, vomitio fellea, et abdominis affectio, excipiunt. Alvus saepe adstricta est, et ventris inflatio adest; interdum vero morbus a diarrhoea

DE DYSENTERIA.

diarrhoea incipit. Æger jam torminibus, quae dejectionibus quibusdam liquidis, plerumque naturalibus, levantur, brevi afficitur. Febris cito augetur, et vires magis insigniter convelluntur; desidendi desiderium magis urget; dumque huic indulgetur, tormina summa, et tenesmus acerbissimus, excruciant aegrum, cujus dolores, nulla alia mercede, quam muci nonnihil dejectione, plus minus sanguinolenta, compensantur.

Febris, quae una cum hoc morbo accenditur, eundemque comitatur, pro rebus circumstantibus, variat: Modo ad inflammationem pertinet, et pulsu valido, ac duro, comitatur; saepius vero typhi naturam induit, et arteriarum pulsus frequentes ac debiles, atque alias debilitatis notas comites habent: Modo autem febris est remittens, et tertianae typo insignitur. Verisimile quidem videtur, febrem nihilo unquam ad inflammationem magis pertinere, quam febris continua vulgaris, quando synochi larvam sub-

dole

dole induit. Quamvis haec affectio plerumque a pyrexiae signis inchoat: Signa tamen, loco propria, interdum, nulla antecedente febre, plane ac distincte, insignita, se ostendunt, (Equitis Pringle opinio fuit, febrem plus minus facile observandam, hunc morbum semper ab initio usque comitari), in quo casu aeger torminibus, ventris fluxu, et desidendi desiderio, una tentatur: Febris plus minus maligna, a rigoribus incipiens, brevi supervenit, morbumque comitatur, donec exitium aegro affert, vel mitigata, formam chronicam induat; quando morte terminatur, febris plerumque causa est.

Tormina dysenteriae, sub tentationis initium, variae in totum abdomen diffusa, sentiuntur, et praecipue ad partes ejus superiores referuntur; anorexia, nausea, fellisque vomitione, comitantibus; progrediente vero morbo, magis fixa fiunt, et in partibus coli inferioribus, et recto, praecipuam suam sedem figunt. Dejectiones in hoc

morbi

morbi stadio admodum frequentes fiunt, aeger enim interdum quadragies vel quinquagies defidet, et nihil fere dejicitur, dum tormina, tenesmus perstantia haud vel minime remittunt. Dejectionum species varia est; modo mucosae sunt, quando exemplar dysenteriae albae auctorum praebent; plerumque vero sanguine striatae, vel commixtae, existunt; coloris modo naturalis, modo subviridis, vel orichalcum referentes, odorem intolerandum diffundunt. Stercus naturale raro, nisi instar globulorum induratorum, qui Scybala appellari solent, dejicitur.

Morbus cum his signis interdum sponte paulatim remittit; omnia signa temperatiora fiunt, tormina et tenesmus tandem decedunt; et dejectiones, caeteraeque omnes functiones, naturales evadunt; vel plerumque, remediis idoneis, diligenter adhibitis, cedunt, aegerque convalescit.

Sin autem morbus negligatur, et indolis malignae fit, violentia aucta progredi solet; omnia enim signa ingravescent, tormina violentiora et molestiora, desidendi cupiditas importunior, et fere perpetua, fiunt, dolores et tenesmus graves jam facti, ani prolapsum inducunt. Ingens adest anxietas, abdomen fit tensum, et faecies, modo purulenta, modo sanguinolenta, cum faetore plane intolerando, dejicitur. Jamque aegri vires rapide convelluntur, lineamenta moleminuta collabuntur, facies cadaverosa fit, jamjamque glutiendi facultas amissa est, corporis extrema frigescent, sudores gelidi prorumpunt, arteriarum pulsus intermittunt, et dolores jam subito cessantes, dejectionesque faetoris cadaverosi, mortem miserando instare denunciant.

Lingua in hoc morbi stadio nigricans, ac aspera fit, dentes crusta nigra obducuntur, aphthae fauces obsident. Stranguria saepe adest, et alimenta in ventriculum recepta, uti in lienteria

DE DYSENTERIA.

fit, ne minime quidem mutata, per intestina transeunt; moleculae, sebaceae vel casei instar, dejiciuntur; petechiae, appropinquante morte, se ostendunt; et convulsiones, aliaeque nervorum affectiones, haud raro tragoediae finem imponunt.

Hujusce morbi duratio varia est: Æger modo eidem quatuor vel quinque dierum spatio succumbit: Modo cruciatus, in diem decimum sextum, vel decimum octavum usque, protrahuntur, et tandem e medio tollitur; quando vero speciem mitiorem induit, cum signa minus graviora fiunt, et res externae magis favent, saepe sanatur, vel chronica fit, vel in diarrhoeam mutatur.

DE DIAGNOSI.

Diarrhoea est affectio, cui dysenteria maxime confundi periclitatur; et ipsorum convenientia,

et signorum, quae in mitiori hujus, et graviori illius forma, contingunt, similitudine, accuratius perpendis; illas pro eadem fere affectione, magnitudine solum diversa, habitas fuisse, minime mirandum videtur; has quidem affectiones a se invicem, praecise et accurate, distinguere difficile est: Sequentia autem signa praecipua sunt quibus hoc aggrediendum est, pyrexia, tormina graviora, tenesmus, et dejectiones frequentes, plerumque dysenteriam a diarrhoea, distinguere possunt; in hac enim nulla est febris primaria, tormina et tenesmus leniores existunt, neque dejectiones sanguinolentae fiunt. Et in diarrhoea stercorea naturalia dejiciuntur, quae, paucis diebus elapsis, in dysenteria plerumque retinentur, et nunquam fere nisi forma globulorum induratorum, qui scybala vocari solent, excernuntur. Sed pyrexiam, haud semper sub dysenteriae initium, percipere possumus; illam autem interdum diarrhoeam incipientem comitari observamus; pyrexia igitur distinctionem falli nesciam

minime praebet, et dysenteriae tentatio haud gravior, tormina et tenesmus haud vehementiora et dejectiones aequae naturales, ac in diarrhoea praeter solitum gravi, observata fuerunt.

Quando vero hi morbi eo usque progressi fuerint, ut species sibi proprias induant, et indicia minime ambigua quibus plane insigniuntur, ostendant, nullo fere negotio dignoscuntur. In diagnosi autem instituenda, ad hoc, num morbus nimirum contagiosus est, animus sedulo advertendus. Dysenteria enim plerumque, diarrhoea vero nunquam, contagio vulgatur.

Haemorrhoids forsan aliquam cum dysenteria similitudinem habere videatur; sed ani tumores haemorrhoidi proprii sunt, et praeterea tormina atque tenesmus, quibus dysenteria insignitur, in illa defunt; haec igitur signa has affectiones facile a se invicem fecernere valent.

Cholera haud difficile a dysenteria internoscitur, fellis vomitione, dejectionibus copiosis ac felleis, furarum spasmate, et eo quod tormina et tenesmus desunt.

DE CAUSIS REMOTIS.

Hae quidem in praedisponentes et excitantes rite distribuuntur; illae corpus harum actioni opportunum reddunt, et sunt plerumque omnia quae corpus, directa, vel indirecta vi infirmant. Causas praedisponentes, omnes fere tam bene norunt, ut illarum meminisse supervacaneum mihi videatur.

Haud parva quidem causarum excitantium varietas, ab auctoribus, qui de hoc morbo disseruere, in medium allata est; harum vero plures, posito effectui edendo, minime pares videntur:

Caete.

Caeterasque, quae multo efficaciores videantur, hoc solum agere, ut corpus contagio opportunum reddant, facile quidem adducar ut credam. Causae quae, ut omnes bene norunt, motum intestinorum peristalticum, vel stimulo suo, vel humorum cursum, majori copia, eadem versus faciendo augent, quales sunt, acria quaevis, fel, fructus, cutis exhalatio suppressa, hunc morbum inferre dicuntur. Similitudo quidem, quae dysenteriam inter et diarrhoeam, quae ex his causis haud raro provenit, intercedit: Et hoc, quod eadem corporis partes, in utraque affectione simili fere modo afficiuntur, huic opinioni, cui quidem favere videntur, ansam praebuisse, mihi apparent. Quamvis autem magna utriusque affectionis, quippe quae eandem corporis partem afficiunt, signorum similitudo existat, oportet. Cadaverum incisione, peculiarem affectionem loco propriam in dysenteria existere, signaque quaedam generalia, quae in diarrhoea raro contingunt, eandem semper comitari, demonstratum fuit.

fuit. Et sane si dysenteriam, in quibusdam anni tempestatibus, et peculiaribus terrae locis, solis contingi, perpendamus, alia causa excitans, quae semper sibi constat, meo quidem iudicio, indagetur oportet.

Contagium quodammodo generatum causam dysenteriae frequentissimam existere verisimillimum videtur; dysenteriam contagio semper vulgari omnes fatentur. Aliae vero causae ad hanc excitandam conspirare; et contagii actioni favere, videntur.

Ex quibus rebus circumstantibus, qualibusque causis, haec affectio frequentius oriatur, quaerere forsan operae praetium videatur: Haec autem omnes, qui in contagiorum naturae, originis, ac fontium indagatione, quam levissime versati sunt, pensum peractu difficillimum, concedant oportet.

Dysenteria quibusdam anni tempestatibus, in locis quibusdam humidis ac humilibus, ubi aer vaporibus, qui calore ac humore generantur, imbutus est, prodire solet; fontes autem contagii dysenterici copiosissimi sunt naves, castra, carceres. Rerum concursus, qui morbum, in hujusmodi locis, gignere videntur, sunt,

Vestitus malus; diaeta insalubris, aut nimis tenuis ac parca;

Solicitudo, et animus demissus;

Frigus et humor.

Et aer impurus factus potestatibus nocentibus, oriundis ex vaporibus e corpore humano in unum quasi conflatis, et a rebus ex frugibus et animalibus derivatis, corrumpentibus, et colluvie generali, quae in locis, ubi munditiae non coluntur existet, oportet.

Nonnullas ex his, caeterarum, utpote morbum

bum excitantium, actioni favere, facile crediderim. Diaeta abnormis, ac parum salubris, et vestimenta mala, corpus insigniter debilitant; et probe novimus homines, sollicitudine et animo demisso conflictantes, mirum in modum contagii actioni opportunos esse. Quamvis autem omnes, vel singulae harum causarum proclivitatem in morbum insignem inducunt, dysenteriae tamen, viribus sibi propriis, inferendae minime pares videntur.

Frigus quoque humori conjunctum, quod omnes omnium, quae corpus morbis contagiosis opportunum reddunt, causarum validissimam agnoscunt, pro excitante dysenteriae causa habitum est; corpori admotum cutis exhalationem minuit, et humores magna copia ad partes internas avertit, et varias excretiones insigniter auget: Et quo majori calori corpus antea affuetum fuit, eo majorem effectum hunc praestare solet. In regionibus fervidis, calor corpus irritabilius,

tabilius, levibusque, et vix percipiendis coeli mutationibus affectu facile reddit; et rores copiosos et infalubres his regionibus incumbere probe novimus. Milites, qui in his rebus circumstantibus, dum muneribus suis funguntur, frigori et humori obijciuntur, dysenteria tentari solent; et hinc opinionis origo.

Diarrhoeam frigore et humore, idque forma sua maligniore, induci constat; haec autem affectio dysenteriam adeo refert, ut non, siue gravi ratione, hos morbos saepe sibi invicem confusos fuisse, suspicari fas sit: Saltem si, dysenteriam veram in his rebus contigisse, concedatur; fieri enim potest, ut milites dysenteriae contagio, quod frigore adjuvante in actionem rapitur, antea obijci fuerunt. Cum frigus, humor, et aer impurus ac corruptus, in omnibus locis, ubi dysenteria se ostendit, ad hanc excitandam conspiciant, utra harum causarum proxime morbum infert, dijudicatu difficile imprimis videtur.

Cum

Cum autem frigus, corpora humana, omnibus morbis contagiosis, quam maxime opportuna reddit, adeo ut typhus, quae plane affectionibus a contagio oriundis annumeranda est, ipsi haud raro imputetur : idem viribus sibi propriis, atque calida tempestate et aëre corrupto non adjuvantibus, ad dysenteriam excitandam, nisi actioni contagii opitulando, minime valere, probabile videtur.

Dysenteriam vaporibus ex corpore humano et animalibus et frugibus putrescentibus, originem suam maxime debere, facile persuasum erit nobis ; modo ad duas res, nimirum anni tempestatem et terrae loca, in quibus grassari solet, animum advertamus. Anni tempestas qua morbus incedit, est tempus autumnale calidum, quando fruges, geniali solis aestivi beneficio, maturae jam factae, marcescere, cadere, et putrescere, incipiunt : Et insecta aliaque animalia, ovis suis positis, moriuntur. Hae res, hac anni

tempestate, calore intenso, in putredinem rapide feruntur; et aliquid noxium ex iisdem avolat. In humilibus et humidis terrae locis, in quibus hae res non minus abundant, viribus quibus calor in eisdem pollet, humor haud parum opitulatur; quod horum locorum aëra, natura impurum, multo insalubriorem, reddit.

Res quae aëra in castris corrumpunt, bene notae sunt. Illarum praecipuae videntur, effluvia ingentis mortalium numeri conferta turba conviventium, ingens rerum vis, corruptioni obnoxiarum, quae in castris coacervantur, et immunditia inevitabilis, quae ibi loci generaliter invalescit; et forarum inopia: Quorum omnium effectus et vis, fervido solis calore, humilique locorum, in quibus dysenteria vigere solet, fitu, et humore, perinsigniter augentur.

DE SIGNORUM RATIONE.

Contagium, quodammodo generatum et aëris ope corpori admotum, frequentissima dysenteriae verae causa excitans esse videtur. Praeter febrem generalem, partis corporis determinatae quoque affectionem inducit. Nulla nobis innotescunt principia quibus ratio reddi potest, quonam operandi modo, hoc, caeteraque contagia, eundem effectum, eademque phaenomena, specialemque partis affectionem, constanter edunt. Sunt qui opinantur se rem exposuisse, dicendo, contagium *speciali* ac sibi proprio modo agere; haec autem vocabula minime rem expediunt: Nec aliud quam nostram, rei factae, cujus forsitan rationem nunquam reddere valebimus, ignorantiam enarrandi artificium, videntur.

Dysentericum contagium ad majora intestina potissimum, natura sua, defertur; eisque signa quaedam molestissima, quae gravem morbi partem efficiunt, excitat. Hujus affectionis naturam quantuluscunque indagandi conatus, est quasi gradus, et aditus, ad signa explicanda.

Cadaverum incisione constat, intestina crassiora dysenteria laborantium, inflammationem passa fuisse, ulcerata, suppurata, et imo gangraena affecta. Colon et rectum saepissime laborant; tunica eorundem villosa prima afficitur, haud raro indurata, perdita vel exesa fuit; progrediente morbo, inflammatio in caeteras tunicas diffunditur.

His principiis innixus Professor Monro tunicae villosae inflammationem, proximam morbi causam, hocque jure quidem, ut mihi videtur, collegit.

Haec

Haec quidem inflammatio neque ad actuosam, neque ad illam, quae sine aucto vasorum impetu fit, referenda est; ad harum enim neutram mere pertinet. Vix quidem dubitari potest, quin inflammationis vis, atque magnitudo, ex proclivitate in morbum, et habitu aegri corporeo, sicuti in aliis morbis contagiosis contingit, haud parum pendeat.

Varia autem contagia, pro diversa ipsorum natura, alias, in aliis corporis partibus, inflammationes accendunt: Quae, nulla partis affectae fabricae ratione habita, species diversas induunt. Sic, exempli gratia, in Peste, glandulis lymphaticis inflammatio, quae naturae, atque vero huiusce contagii specialis congener respondit, quoque praeceps in gangraenam fertur, penitusque distat ab inflammationibus ex aliis causis oriundis, supervenire solet.

Hoc quidem adhuc manifestius est in Cynanche

che maligna, ubi contagium speciale inflammationis speciem, signis peculiaribus comitatam, penitusque ab illa earundem partium inflammatione, quae ab aliis causis provenit, et Cynanche Tonsillaris vocatur, excitat.

His positis, dysentericum contagium intestinis crassis inflammationem inferre, contagio ipso modificatam, signisque et specie peculiaribus, ex eadem causa pendentibus, distinctam, verisimile videtur. Huic igitur innixi signorum rationem facile reddi posse, opinamur. Signa eodem ordine, quo a Cel. Cullenio enumerantur, exsequemur.

Dejectiones frequentes mucosae.—Omnes norunt, superficiem fecernentem inflammatione affectam, proprium suum humorem, solito majori copia, profundere : Quando igitur tunica intestinorum interna inflammatur, mucus magna copia fecernatur, oportet ; hinc hujusce signi ratio

illo facile redditur. Huic quidem ratiocinio aliquid ponderis accedit, quando nobiscum reputaverimus, intestina faecibus constanter irritari. Fatendum est, secretionem mucī adauctam neque in Enteritide Phlegmonodea, in qua partes fere eadem inflammantur, adesse; neque in Enteritide Erythematica, quamvis in hac, tunica interna sola inflammatur, et valde irritabilis sit, et diarrhoea adest, unde fluxus mucī depravatus, et specialia dysenteriae signa, jure expectanda forent, haud tamen adsunt; omnibus igitur perpensis, hoc signum, dejectiones nimirum mucosas, a dysenteria separari non posse, et una cum hac inflammatione intestinorum speciali, quae hoc contagio admoto accenditur, potissimum oriri nobis concedendum est. Hoc quidem, similitudine ab aliis contagiis ducta, verisimillimum videtur: et magis confirmatur experimentis in dysentericis nuper factis, ex quibus, notabilem humoris quantitatem a cute resorberi, constat, quasi natura hoc modo humorum copiam,

piam; frequentibus alvi dejectionibus amissam, compensari voluerit.

Dejectiones Sanguinolentae.—vasis sanguinem vehentibus inflammatione erosio, vel abnormi coli motu ruptis, exponuntur.

Faecum retentio.—Hujusce signi, quo Cel. Cullenus inductus, spasmus pro causa morbi proxima habuit, hoc modo rationem reddimus. Tubus alimentarius est musculus cavus, qui ejus contenta, stercora scil. ab ipsis irritatus propellit inflammatio hujusmodi musculi, ejus mobilitatem, et vim irritabilem, uti in aliis musculis observatur, insigniter auget: Eaque est musculi, sic justo irritabilioris facti, in motus abnormes proclivitas, ut vix, meo judicio, fieri possit, quin spasmo corripiatur. Fabrica autem coli, quod, intestinum in hoc morbo praecipue afficitur, est admodum singularis; cellulis instructum est: Hinc partes quaedam, caeteris angustiores, sunt; spatiosa

spatiola inter partes angustiores, ampliora et capriciora sunt, et cellulas efficiunt, in quibus stercus illapsum, intestinum, jam plus justo ob inflammationem irritabile, in contractionem ciet; cum autem quadam nifus magnitudine opus est, ad partium angustiam, quae nifui resistit, vincendam; vis admota, spasmus ipsis, in motum abnormem, ob inflammationem, jam insigniter proclivibus, infert, et hoc modo stercoris transitui magis resistitur. Hinc plane sequitur, spasmus non esse causam morbi proximam, sed potius inflammationis, viscus fabricae, et muneris singularium corripientis effectum.

Colon plus justo jam irritabile ac sentiens, stercorisque stimuli impatiens, in frequentes et irritos, se materiae nocente expediendi nifus rapitur, inde oriuntur *Tormina*.

Idem viscus plurimis glandulis mucosis instructum est, quibus ab stercoris acrimonia de-

fenditur; hujusmodi superficiei inflammatio, auctam illarum glandularum secretionem movet.

Porro, noxius stercoris stimulus, hanc secretionem magis adhuc auget, et forsan, constante intestinorum actione glandulas stimulante, et emulgente, corrumpit, hic mucus acris, teneris et irritabilioribus recti, jam morboſi affecti, tunicis admotus, pro causa *tenesmi* haberi potest.

Scybala nihil aliud sunt, quam stercus, quod hanc formam in coli cellulis, ubi validius retinetur, adipiscitur, partibus liquidioribus expressis.

Stranguria, ex consensu rectum inter et vesicam, vel ex illius inflammatione, cum hac communicata, pendet.

DE DYSENTERIA.

12

DE PROGNOSI.

Dysenteria nunquam periculo vacat ; si signa non mitigantur, primo alvi purgatione, et vomitione medicamento vomitorio excitata, praesertim in aegris, qui quovis modo infirmantur, veluti morbis praegressis, putridisque praesertim, uti vocari solent ; quales sunt scorbutus.

Si enim tormina et tenesmus, alvo evacuata, non levantur, aliquid maligni subesse, observatur.

Si pueros debiles, mulieres gravidas, et aetate provectos, corripienti non statim occurratur ; exitus infaustus plerumque timendus est. Febris nervosa vel typhus, utrum sub morbi initium, vel finem versus, supervenerit, plurimum periculum semper habet.

Synocha

Synocha cum manifestis inflammationis signis, et interdum magna in putredinem proclivitas, adfunt: Haud leve ex utroque periculum imminet; putredinis signa sunt, aphthae, petechiae, maculae, vibices, &c. et semper sunt pessimi ominis; singultus, variis morbi stadiis, supervenire solet, et plus minusve periculi, pro morbi stadiis diversis, habet: Si hoc signum mature accedat, nihil fere periculi timendum est; si, morbo inveterato supervenerit, summum periculum instare denunciat.

Pulsus parvus, debilis, et abnormis, urina et stercus, nescio aegro, elabentia, et potissimum gravia tormina, modo vix toleranda, jamque subito cessantia, mortem appropinquare indicant.

Cel. Huxham urinam parcam, et limpidam, et Baglivi Icterus supervenientem, pessimis signis annumeraverunt. Aliqua tamen specula, quam-
diu

diu stercus et urina, voluntatis imperio subji-
untur, semper fovenda est.

Si autem signa, medicamentis idoneis, brevi
mitigantur: Si dejectiones speciem naturalem
recuperant, et simul copiosiores evadunt; si te-
nesmus, tormina, et sitis, levantur; si pulsus fiat
mollior, plenior, et minus frequentior; si lingua
munda evadit; et denique si somnus, et cibi ap-
petentia, redeant; faustus eventus, non sine
summa quadam fiducia, sperandus est.

DE RATONE MEDENDI.

Ex morbi historia constat, pyrexiam, quae, in
hac affectione accenditur, in diversis morbi ex-
emplis esse diversam; medendi igitur consilia di-
versa sint, oportet; modo enim diathesis putri-
da, cum febre nervosa, mature se ostendit; vel,
morbo

morbo inveterato, supervenit ; modo autem diathesis phlogistica, cum manifestis inflammationis signis, urget. Qualiscunque vero pyrexia fuerit, stercora indurata, quae scybala nominantur, et morbosa materies, in aliqua intestinorum parte, et plerumque in coli cellulis, sedem suam figunt ; intestinaque usque ad inflammationem affecta, exedunt, exulcerant, et di-
ram signorum cohortem inducunt.

Haec quidem pathologia, cadaverum incisione, innititur ; medendi igitur consilia, quae jam sequuntur, huic morbo quam optime accommodata, videntur :

I. Materiem morbosam et scybala evacuare.

II. Intestina ab acrimonia defendere.

III. Debilitati et putredini occurrere.

IV. Diathesin phlogisticam tollere.

V. Spasmmum solvere et signa molestiora levare.

Primum consilium, vomitione, et alvi purgatione, absolvitur : Morbi igitur initio, medicamentum vomitorium praescribendum est, nisi diathesis phlogistica ea sit, ut sanguinis detractionem praemittendam postulet.

Medicamenta vomitoria ex vegetabilibus, vel fossilibus rebus, derivantur; illorum princeps est Ipecacuanha: Horum autem praecipua ex antimonio parantur; qualia sunt, antimonium tartarifatum, vinum antimonii tartarifati, &c. medicamentorum vomitoriorum, in hoc morbo, delectus nunquam quidem omittendus est; ex antimonio enim parata, vires, mirum in modum, convellere solent; hinc debilioribus nunquam forsan praescribenda sunt: praesertim in regionibus calidis, in quibus debilitas, et in putredinem proclivitas, insigniores esse solent: Regionibus

nibus frigidis quidem, ubi phlogistica diathesis dominatur, melius accommodari, videntur; et in morbi exemplis, ubi vires parum franguntur, egregios effectus interdum praestare solent. Sub morbi igitur initium ipecacuanha, ad grana circiter quindecim, adulto tuto praescribi potest; et vomitio chamemaeli infusione promovenda est; hoc modo ventriculus evacuatur: et modo idoneus corporis calor servetur, sudor lenis prorumpere solet, quae res, praesertim morbi initio, signa haud parum levat*.

Inutile quidem videtur, omnia cathartica enumerare, quae variis temporibus, a variis medicis, in hac affectione laudata fuerunt: Cathartica drastica olim praescribi solebant; horum autem usum, quippe quae diros effectus nonnunquam ediderunt, dies, et experientia, nescia falli, delevit; et hic dierum, clinici mitiora sola praescribere solent; qualia sunt sales neutri, et oleosa

* Vid. Zimmerman.

oleosa medicamenta. Alvus singulis diebus, vel quolibet biduo, vel triduo, prout res postulaverit, leniter laxanda est; *magnesia vitriolata*, sodea *phosphorata*, sodea *tartarifata*, vel parvis antimonii *tartarifati* dosibus, justis intervallis interpositis. Colluvies putrida, in tubo alimentario collecta, sic foras expellitur; et scybalis formandis valde resistitur.

Sodea *tartarifata*, vel sodea *phosphorata*, jusculo ovillo, aut alio quovis grato soluta, caeteris salibus neutris multo gratiora comperiuntur. A quibusdam magnesiæ vitriolatam verminationem minus excitare fertur.

Cel. Lind haustum anodynum sub noctem dari suadet; et tormina ac tenesmus, quæ somnum arcere solent, hoc medicamento multum levare et consopiri observavit; ei tamen alvi purgatio semper praemittenda: Si enim scybala adsint, opium morbum insigniter augere solet.

Cel. viri Pringle et Huxham rheum fum-
mis laudibus prosequuntur; ille rheum, paucis
hydrargiri muriati mitis granis conjunctum,
nunquam spem suam fefellisse, asserit: Hic in
casibus, ubi dysenterici verminant, hydrargirum
muriatum mitem, rheo conjunctum, ad vermes
expellendos, commendat.

Vitrum antimonii ceratum a cel. viris Cleg-
horn et professoribus Hôme et Black, multum
laudatur; illi vero antimonium *tartarifatum* an-
teponendum opinatur Professor Gregory, qui
rheum quoque improbat; judicent periti et ex-
perti.

Hydrargiri usum commendat cel. Clark; dy-
senteriam, tam acutam quam chronicam, hydrar-
giro muriati miti, felici cum eventu, sanasse,
asserit; morbus enim, inquit, uti post aliorum
medicamentorum usum saepe contingit, raro aut
nunquam recrudescit.

Quod hydrargiri muriati mitis administratio-
nem attinet, ita praescribendum monet, ut alvi
purgatio non fiat: Boli forma, ex antimonii tar-
tarifati grano dimidio, hydrargiri muriati mitis
granis quinque, et opii pauxillo conflati, aegro
febricitanti, hora somni, praescribere solebat.
Si stercora, post grana triginta vel quinquaginta
hoc modo usurpata, speciem suam naturalem
non recuperant; tunc opium omittendum cen-
set, et hydrargirum, dosibus alvi purgationi pa-
ribus, praescribendum commendat; hoc modo
morbum plerumque sanari dicit. Medicamen-
ti quantitas in aliis exemplis est alia grana tri-
ginta vel quadraginta in plerisque casibus neces-
saria sunt: Modo autem morbum quantitati
multo minori cedere affirmat.

Cum autem in hoc morbo intestinorum mo-
bilitas mirum in modum augetur, hydrargi-
rum muriatum mite, morbo vetusto, casibusque
acutis, in quibus solita remedia incassum tenta-

ta fuerunt, accommodari videtur. Oleum Ricini in hac affectione saepe quam optime respondit; modo recens ac blandum fit; rancidum enim tormina acerbare solet. Intestina ab acrimonia defendenda sunt demulcentibus medicamentis: Qualia sunt decoctum hordei, althei juscula blanda.

Huic quoque consilio bene respondent lotiones emollientes ex aqua tepida, et oleo blando, vel jusculo ovillo conflatae; quae res, partem affectam fovendo, et oblinendo, tormina ac tenesimum insigniter levant. Hoc autem memoria tenendum, alvi scilicet purgationem, semper esse praemittendam; harum enim profunt nisi stercora indurata evacuantur; haec medicamenta, prout res postulaverit, usurpanda sunt.

Debilitati ac putredini occurratur, medicamentis roborantibus, stimulantibus, et antisepticis.

Inter roborantia medicamenta princeps est cortex Peruvianus; qui igitur sub morbi initium, cum primum ventriculus, ac intestina, colluvie sua expediuntur, libera manu, aëre simul frigidulo, et recenti, in aegri cubiculum admissio, administrandus est. Si alvum forte cieat, quod interdum fit, opii portio simul praescribenda est. Medicamentorum stimulantium optimum est vinum generosum, Lusitanum Maderense.

Caeteris anteponenda sunt Burdigalense, quo debilior est aeger, eo maturius praescribenda sunt cortex et vinum; et forma, quae febricitanti maxime arridet, semper adhibenda sunt.

Interea mundicia summa cum solertia et diligentia colenda est. Haec enim in omni morbo, et praesertim in dysenteria, maximi momenti est: Stragula igitur saepe mutanda, et excreta sedulo amovenda sunt; nec matula, nisi prius probe abluta, in aegri cubiculum, quod aëre recente ventiletur oportet, adferenda est. Pu-

tredini quoque occurritur, excretiones sustinendo alvum ducentibus, diureticis, et diaphoreticis medicamentis.

Optimum in hoc morbo diureticum medicamentum videtur vinum Rhenanum, aqua dilutum, et sacchari pauxillo gratius factum.

Diathefis phlogistica tollitur, remediis, quae vim cordis et arteriarum minuet; inter haec autem sanguinis detractio praecipue eminet. Cel. D. Monro hoc remedium, in quibusdam casibus, optimos praestare effectus, comperit; nec mirum, cum inflammationem praecipuam causae proximae partem esse reputaveris. In dysenteriis autem autumnalibus, ac aestivis, et praecipue in plagis terrae calidis, sanguinis detractio caute praescribenda est: In hujusmodi enim terrae locis, ac anni temporibus, ingens est hujus morbi in putredinem proclivitas. Si tamen inflammationis signa manifesta fiant, sanguinis

guinis detractio procul dubio omnino necessaria existit ; et praesentim in vernis et hyemalibus dysentericis, et in regionibus frigidis, in quibus diathesis phlogistica vigere solet ; nam, in plagis terrae calidis, hac ex inanitione raro opus est : Quamvis enim febris, caeteraque signa, illam postulare videantur. Alvo purgata, tormina, et tenesmus, aliaque signa, remittere solent.

Spasmus solvitur remediis quae humorum cursum ad corporis superficiem faciunt. Medicamenta vomitoria, quae ad primum consilium absolvendum supra commendavimus, huic pariter optime conveniunt : Cutis enim exhalationem, ob consensum hanc inter et ventriculum, insigniter promovent ; quae res in hac affectione est summi momenti quidem. Exhalatio per cutem enim in dysenteria adeo reprimitur, ut cel. Sydenham eandem febrem in intestina retroversam nominaverit, parvi igitur, opinor, facienda

da sunt, quae cel. Degner medicamentorum diaphoreticorum usui objecit *.

Huic pariter consilio bene accommodantur remedia vesicantia, qualescunque denuum fuerit febris, quae morbum comitatur. Spasimum enim solvendo, distributionem sanguinis abnorme, ab intestinis inflammatis, avertunt, et hoc modo insigniter profunt; diluentium usu interea cavendum, ne vias, per quas urina transit, irritando, stranguriam vel inducant, vel praesentem augeant. Camphora ad hos malos effectus praecavendas a Professore Home commendatur.

Balneum tepidum, ac fots, eidem quoque respondent; observandum est autem, balneum tepidum haud temere esse adhibendum; in magnae enim debilitatis exemplis, hoc remedium plurimum periculi habet; fots vero, in omni fere exemplo, tuto, et non sine fructu, adhiberi potest.

Signa

* Degner de Aëre et Epidemicis.

Signa molestiora, qualia sunt tormina, tenesmus, et delirium, anodynorum et demulcentium medicamentorum usu mitigantur. Nec male quidem huic consilio accommodantur potus copiosus et mitis, quale est decoctum hordei, sacchari pauxillo gratius factum, et diaeta idonea, veluti uvae, fraga, aurantia, fago, et juscula. Fructus quidem, morbo nondum longe provec-to, potissimum conveniunt; nam morbi finem versus, quando ventriculi ácor supervenire solet, caute vitandi sunt: Tunc quidem remedia antacida, qualia sunt potio cretacea, et roborantia medicamenta, de quibus supra egimus, utilia sunt.

FINIS.



